

Pag.

754, post **T. filifolium** insere :

T. gracile (Don in Mem. Wern. Soc. III, p. 407. — Hook. f. Fl. Brit. Ind. III, p. 417) perenne glabrum, radice superne pluricipiti, collo squamoso, scapo tenui sæpius unifloro inferne 1-2-phyllo folia radicalia anguste linearia acuminata tenera subæquante vel brevior, capitulo brevi paucifloro, involucri phyllis 5-8 lanceolatis basi puberulis cæterum glabris flosculos luteos extus rubellos æquantibus vel subbrevioribus, acheniis lævibus obsolete rostratis ♀.

Hab. in pinetis vallis Kuram Affghanicæ usque ad 14000' (Aitch. 83! 178!).

Affine *T. filifolio* et *T. erostri* a priore foliis flaccidis et acheniis lævibus, a posteriore foliis latioribus, caulibus monocephalis et involucri phyllis elongatis diversum. Achenia mihi non visa ex cl. J. D. Hooker descripsi.

Ar. Geogr. Regio Himalaica occidentalis et centralis.

762, **Scorzonera mollis**, adde :

♂. *Eubœa*. — Tota adpresse cana, caules abbreviati foliis angustis flexuosis breviores. Capitula cylindrica pauciflora varietatis γ. *stenocephalæ*.

Hab. in monte Delphi Eubœæ (Pichler!).

762, post **S. mollem** insere :

S. Schweinfurthii, tota pilis stellatis adpressissime cana, radice crassissimâ tuberosâ ovato-oblongâ, collo squamoso, foliis infimis brevioribus lineari-oblongis undulatis expansis incurvis cæteris linearibus flexuosis, scapis folia subsuperantibus, capitulis abbreviatis ovatis, involucri pube ramosâ puberuli phyllis paucis inæqualibus ovatis et late lanceolatis marginatis obtusis, flosculis involucri sublongioribus luteis marginalibus extus roseis, acheniis striatis omnibus transverse muricatis pappo fuscescente subæquilongo superatis ♀.

Hab. in planitie elatâ Galala deserti Arabici Ægypti mediæ (Schweinf. exs. 75!). Vulgo *Debbah*. Radix ut et tota planta ab Arabis comeditur.

A *S. molli* pro quâ cl. inventor eam habuit mihi differre videtur tubere multo crassiore tripollicari diam. bipollicari, indumento adpressiore stellato, foliis latioribus obtusis inferioribus dilatatis, capitulis brevioribus latioribus, acheniis omnibus valde muricatis. *S. Alexandrina* radice elongatâ in tuber parvum glabrum abeunte aliisque notis longius differt.

S. Troodea, pube adpressissimâ ramosâ araneoso-canescens, radice verticali elongatâ cylindricâ, foliis radicalibus oblongis mucronatis in petiolum brevem attenuatis, caulibus brevissimis basi ramosæ 2-3-cephalis et foliis anguste linearibus undulatis obsitis, pedunculis elongatis parce et breviter foliatis, capitulo cylindrico, involucri phyllis paucis glabris apice ciliatulis anguste membranaceis ab infimis ovatis ad interiora elliptica auctis obtusis, flosculis luteis extus purpurascensibus involucri sublongioribus, acheniis

Pag.

acute quadrangulis pappo sordide albo eis brevioribus superatis internis lævibus externis ad angulos tuberculis conicis basi confluentibus cristatis 2.

Hab. in monte Troodos Cypri (Sint. et Rigo 799!).

Radix 4-5-pollicaris, caules brevissimi cum pedunculis 4-5-pollicares, folia infima 2 pollices longa 7-8 lineas lata, cætera multo angustiora, capitula magnit. eorum *S. mollis* pro quâ eam primum habui, sed differt radice et acheniis. *S. Cariensis* distat radice, capitulis et acheniis duplo longioribus, his transverse muricatis.

768, **S. purpurea**, adde :

Hab. in regione alpinâ montis Korax Ætoliæ 6-7700' (Heldr.), forma pumila scapis 2-4-pollicaribus.

779, post **S. Aucherianam** insere :

S. Kenisæa, tota adpresse cana glauca, radice verticali, collo squamato, caulibus pumilis foliosis tenuibus fere a basi racemiferis, foliis trinerviis inferioribus oblongo-lanceolatis acutis superioribus angustioribus et anguste linearibus acuminatis, pedunculis erecto-patulis capitulo sæpe pluries longioribus nudis vel 1-2-phyllis, involucri phyllis externis multo brevioribus triangularibus acuminatis internis canescentibus lanceolatis, ligulis luteis involucri tertiâ parte longioribus, acheniis dense lanatis pappo rufescente subbreuiore superatis 2.

Hab. in latere orientali montis Gebel Kenisa Libani 5400' (Schweinf. 834!).

Planta 3-5-pollicaris, folia inferiora 8-9 lineas longa 3-4 lata, capitula 6-7 lineas longa obconica, achenia cum pappo 5 1/2 lin. longa. Affinis *S. Aucherianæ* foliis majoribus quinquenerviis, caule dichotome ramoso, capitulis minoribus et præsertim abbreviatis diversæ.

786, **Taraxacum montanum**, adde :

Hab. ad Sergal vallis Kuram Affghanicæ (Aitch. 966!).

Cl. Aitchison observante rhizoma primum folia profert quæ anthesi ineunte exsiccata fiunt.

787, **T. officinale** :

Ar. Geogr., adde : Tota regio Himalaica et Tibetia.

797, **Sonchus tenerrimus**, adde :

Hab. in insulis Pharmacusis Atticæ (Heldr.).

797, **S. maritimus**, adde :

Hab. in humidis Oaseos magnæ et parvæ deserti Libyci Ægypti mediæ (Aschers.).